

1380

相

山

集

三

卷

山

圖

卷

詳校官左中允臣塘五珠

主事臣呂雲棟覆勘

膳錄監生臣溫廷鑑

膳錄監生臣朱起鳳

欽定四庫全書

相山集卷十

宋 王之道 撰

七言律詩

和周少隱實錄院對竹三首

夫子文章僕命騷
高標寧若歲寒凋
慣看雄辯朝揮麈
想見清吟夜度韶
老去荷君頻折簡
時來容我尚同寮
區區長倩何為者
不樂平原意本朝

老來鬚鬢白刁騷
猶喜丹心未遽凋
秋賦肯甘同宋玉

晝眠聊復繼邊韶
翩翩幽鳥隨風屐
炯炯寒燈伴夜寮
多謝故人珠玉寄
水雲堆裏望天朝

牕寒踈竹共蕭騷
可笑圓荷著露凋
實錄成書輝日月
奉常新樂奏咸韶
佳篇千里來青瑣
好夢連宵到綺寮
湖海固應聊爾耳
佇看丹詔下公朝

和韻寄董令升舍人

曾將燕石報瓊華
別後哦詩愧莫涯
空腹但看長柄械
緩行何用短轅車
神馳鄧步彌天葑
夢入朋谿夾徑花

何日天台尋藥去
女仙迎笑飯胡麻

和余元明時元明邀余同李次元夜飲

坐中強半是同年
賴有斯人席更圓
跨馬未須貪遠道
舉觴聊復望青天
枯荷折葦三盤路
明月清風百丈船
俯仰便成陳迹恨
須知此集不論錢

避寇糝潭登李彥修延秀閣

王師千里下邦畿
三月宜新對敵圍
江上扁舟隨處是
煙中華屋轉頭非
逢人借問何時定
有客來傳二聖歸

已辦簪筓學元結卜隣猶冀不相違

和因上人午睡韻

多謝高人問起居惠然相過共秋蔬
栖栖衆且疑夫子碌碌誰知效阿奴
老去睡鄉還積欠君來詩社責新逋
便便一覺南窓午短簟方牀意不踈

歷陽寄定城尉彥逢弟

故園鵲鳩久催耕休戀公田秫與杭
別恨久隨黃耳去歸心應望白雲生
干戈叢裏三書考春夏交來幾閉城

我亦藍田負丞者相從何日賦淵明

和蕭山臨川亭壁間留題韻

水外峯巒碧四環雨多門徑蘚苔斑
滯留又及炊新粟
歡喜何當見舊山招隱有詩來
雲上倦游無夢到雲間
西興十里秋潮晚坐數扁舟帶月還

和彥逢弟春日即事

楊花如雪菜花黃路出初郊正日長
喜對新詩醒病眼
會逢膏雨沃驕陽過僧竹院茶爭美
酌客山堂酒倍香

常恨抗塵仍走俗不知身在水雲鄉

和陳勉仲春日偶成二首

帷幄何人正坐籌匈奴輕漢索懷柔回鑾未覩迎天駟
勸檣還驚出土牛雨過池塘新漲綠春歸原野霽煙浮
中興自古須羣策更願君王慎厥猷

江表歸來得自由舊鄉能復到溫柔辭源已見流三峽
筆力當期挽萬牛白日忍從黃霧塞青天那復黑雲浮
掃除驕寇還強漢會有忠良告遠猷

春日偶成

餘生今赴邇英朝似說夔龍許續貂
枯枿遂承新雨露蒼鷹應識舊雲霄
廢興須信關時命勞逸誰能問貫條
十載山林勞夢寐五更天仗聽簫韶

春日次韻張叔元

遲日輕風過雨天草青南陌欲生烟
江湖節物登王鮪村落歸心起杜鵑
已辨尋芳游野寺何當修禊泛溪船
路逢少婦携籠去為說蠶兒向雨眠

和秦壽之中秋翫月三首

一樽芳酒起沉烟絕勝紅裙擁後前
山色水光相上下月華秋氣共清圓
佳時令我思韓愈好夢逢君想惠連
老大不知追逐樂却因妍唱惜流年

湖光無際接雲烟舉酒登臨夕照前
坐送落霞還杳靄倚看明月上高圓
清談浩渺河源注麗句縱橫繡段連
歸去鳳池知不日山城岑寂記今年

腸斷江城斂暮烟一聲清笛短亭前
揚舲共喜風初轉

戲綵當期月正圓
水落雙溪和石出
霜餘疊嶂與雲連
令人暗想昭亭路
屈指歸來又四年

和張彥智中秋對月

萬里青天霽色開
嫦娥駕玉上雲來
樓中勝飲八仙聚
物外清談三語該
空翠水光爭滉漾
漏聲鐘韻共徘徊
秋盤應愛金櫻好
紅抹佳人醉裏腮

和高守無隱官閒即事

老去空悲樂事稀
百年渾醉幾多卮
雖貧賴有舊栽竹

縱嬾未容全廢詩碧草望迷烟漠漠黃梅看熟雨垂垂
莫嫌蕪顙晚相浼欲換邦君白雪詞

誰憐村落笑歌稀全把茶甌當酒卮枯槁又經三月雨
窮愁聊付一篇詩牕間遠岫青千疊樓外長天碧四垂
何日獲陪文字飲欲翻妍唱入新詞

和胡德輝增明軒

釣魚聊復效詹何肯向青山較少多身世自憐巢幕燕
利名誰鑒撲燈蛾風前逸氣舒長笛酒裏清愁到短歌

安得梧桐來鸞鷟一鳴千古繼卷阿

寄奉符大有叔

血氣侵凌不復豪往來欹倒似乘濤寧知嬾過嵇中散
亦有詩如謝法曹舊藁只堪供醬瓿故人相贈有綈袍
兖州賓主同風味惡句煩公更一嫖

和曾式古

式古省幹當高使君守濡湏日實為幕中之賓罷
既踰年而兵餉有積下供給錢數百千未請欲以

為歸資情見乎詞成唐律三章以示同寮僕偶獲
觀焉韻險不能盡和姑和首章以當贈言

白雲飛處見層巔回首風檣去若仙
舊隱已鋤三徑菊新吟聊想一囊錢
春歸沂水還相樂秋到盱江盛有年
更着綵衣歌且舞高堂侍瀝奉周旋

和何希淵韻

敢負交游素所期自憐衰滯使君疑
向來兵火亦何久此去功名應未遲
詩似清風宜我慰心如白水欲誰欺

扁舟儻赴相從約江北江南笑有辭

和孔純老歸自屬邑三首

純老通判歸自外邑聞守將宿有攜妓郊勞之約
途中以詩督之且蒙不鄙示予謹次韻一笑

行縣歸來賦陟岡青梅應快一樽嘗詩成妙墨揮張聖
酒到高歌發楚狂夾道野花園步障兩行官妓簇橋梁
嗟予貧悴踰蓬華不及郊迎笑舉觴

往來陰雨恰彌旬滑滑那堪鳥語頻行色可無三日霽